



Tanü E20 anema longkak aittsü;
Poonawalla-i lumia longkak aittsü

Hamas nok-nü yutsütsü
tezüngzüktep ka yangluogo: Trump



DDMA ajanga dang relief agütsütsü

Dimapur, July 31, 2026 (TYO): Nagaland kübok tesem balala nung tzünglu kanga aruba, anentsüh aser ajungben tzümet süng ajanga teraksa jenti bentsür aruba atema relief materials agütsüba maparen tiptema inyaksü inyakyim ka tenzükogo.

NGOs, Arogotem, Civil Based Organisations aser temeimertemi pei pei District Disaster Management

Authority ajanga dang district jenjang nung relief & rescue operations inyaksü ta Nagaland State Disaster Management Authority Nagaland (NSDMA)-i sangdong ka nung ashi.

Maneni, senotsü mesüra osettsüset agütsünür kijatem, NGOs aser teloktemi Chairman, DDMA indang office ajanga agütsütsü metetdaksür ta NSDMA-isa ashi.

Sl.no.	DISTRICT	ADC/CEO, DDMA	CONTACT
1	Meluri	Shelley, ADC	98620 89699
2	Chumokedima	T. Lemlila, ADC	9615784209
3	Niuland	S. Athsangla, ADC	8119922025
4	Kohima	Ruopfii Noudi, ADC	8731815626
5	Phek	Thejakhrienuo Nisa, ADC	9856669163
6	Peren	Robin, ADC	8974459648
7	Noklak	Relise Sangtam, ADC	9612735722
8	Mokokchung	Atsunnga, ADC	8415059304
9	Dimapur	Diana Patton, ADC	8787732041
10	Mon	Pakon, ADC	9612164654
11	Kiphire	Longdiba Sangtam, ADC	7085580799
12	Zunheboto	Shaying Sheu, ADC	8974560016
13	Tuensang	Berimong, ADC	8787431790/ 89746 13519
14	Shamator	Alongdhimen Jamir, ADC	7629839741
15	Tseminyu	MhomoTungoe, ADC	9856034027
16	Wokha	Renbomo Ezung, ADC	8413053935
17	Longleng	Thungchanbemo Tungoe, ADC	9436016595

International University Nagaland nung BNYS Admissions agitsü

Dimapur, July 31, 2026 (TYO): Taruba ita nungi International University Nagaland nung academic session tenzüksü lir aser parnoki higher education maongkatem ulushiba osang metetdaksüogo.

Taruba academic session nungi IUN nung Arts, Commerce, aser Non-Biology background 10+2 streams nungi kaketshirtemi Naturopathy Doctors akümtsü asoshi Bachelor of Naturopathy and Yogic Sciences (BNYS) program züngtettsü.

Nagaland nung 10+2 with Biology kaketshirtem ya tanga

state tem den medemdangra kanga ajema lir aser iba jagi International University Nagaland-i special transitory regulation tenzüker ta Dr. Durga Malakar, Joint Registrar, IUN, Dimapur-i sangdong ka nung ashi.

Kaketshirtem nem maongka agütsütsü aser holistic healthcare wadang nung tetsüng ajemoktsü atema iba one-time relief agütsür ta pai ashi.

Iba program asoshi non-biological backgrounds nungi kaketshir tasentem ita trok Acclimatization and Bridge Course ka agitsü ta Dr. Durga-isa ashi.

Deobarnü Phesama Sinking Zone shibangtsü

Dimapur, July 31, 2026 (TYO): August 2, 2026 anepdang 6:00 ako nungi nikongdang 6:00 ako tashi National Highway-2 nung Phesama Sinking Zone khen atema shibangtsü ta Kohima District Magistrate B. Henok Buchem, NCS-i metetdaksüogo.

Iba tesem nung anentsüh alua aliba yadoka lenmang yanglushitsü aser public lendong nungi kümzüka ayutsü mechi nung lenmang khen atema shibanger ta pai ashi.

Phesama Sinking area nungi anentsüh aluba agi Kohima-Mao stretch nung Chainage Km

191+840 aser Km 192+100 tsüngda lenmang shibangtsü ta Kohima District Magistrate-iashi.

Iba mapang Light Motor Vehicles (LMVs) ajak Rhododendron Resort ajanga Phesama-Kisama/Kigwema route len senzütsü.

Manipur leni aoba Heavy Motor Vehicles (HMs) ajak Peren District ajanga senzütsü aser rongdak nüngdak asoshi Kohima-Jessami aser Chakhabama-Zunheboto lenmangtem ajanga senzütsü akok ta district administration-isa metetdaksüogo.

Committee on ULBs aser NVCs-i Dimapur semdang

Dimapur, July 31, 2026 (TYO): Committee on Urban Local Bodies and Nagaland Village Councils-i Hokolbarnü Dimapur semdanga senden ana menogo.

Iba Committee ajanga Nagaland Municipal Act, 2023 aser Nagaland Village and Tribal Council Act, 1978, as amended up to 2022 mapa küma inyakba meyipa reprangshitsü atema sendaktepa alirtem den sendentem amen.

Tanü Dimapur nung District Administration, Urban Gaon Buras aser colony chairmen den mezüngbuba senden amen aser iba sülen Dimapur Municipal Council (DMC) den amen.

Senden anaprong nung mendenji Food & Civil Supplies, Legal Metrology Advisor aser Committee Chairperson K. Tokugha Sukhalu liasü. Pa den Committee züngsemtem-Imkongmar, Dr. Kekhrilhoulie, A.

Nyamnyie Konyak, Dr. Neisatuo Mero, Lima Onen Chang aser Ar. Jwenga Seb nunger liasü.

"Dimapur nung municipal council tasen, Urban Gaon Buras, colony chairmen aser district administration-i ashiba angatsü, bushisüngdangtsü aser angatettsü atema onok aru" ta Advisor Sukhalu-i ashi.

"Committee nem Nagaland Village and Tribal Councils Act, 1978 aser Nagaland Municipal Act, 2023 mapa küma inyakba aser ozüng ana ajurutebpa reprangdangtsü atema mapa nungloktsü kechiyong iba ozüng ana ya Nagaland nung asangsang mapa ana atema lir" ta pai ashi.

Dimapur ya Nagaland nung shishilembadak aser state-i tarulen lir anungji iba yimti nung kechi atalokdir state ajunga dak kongshir ta Sukhalu-isa ashi.

Küm metsü tashi elected municipal body mali aruba sülen

Nagaland Municipal Act, 2023 kübok Dimapur Municipal Council tentetogo. Külen, Urban Gaon Buras-i sobaliba tashi, law & order aser lokti den tiyongtsü nung maparen inyaka arur ta paisa shisem.

Jilatem ulushidang urban governance aser customary institutions tsüngda tatsütep ajurur aser iba ajanga tayongzükbatem adoker ta Sukhalu-isa metetdaksü.

Paisa DMC councillors dang 2023 Act ajanga parnok nem tashi agütsüba mesüra alenbangba aser mapa shitak inyaka aotsü atema administrative teyari nüngdabatem ashitsü ayongzü.

Urban Gaon Buras-ia ward committees tasentem den sendaktepba aser colony chairmen-i DMC nungi teyari talila nüngdakba maparen indang lemsateptsü Sukhalu-isa ayongzü.

North East NSS Festival 2026 takok ngua mungogo



July 31, 2026 nü RCEMPA, Jotsoma nung North East NSS Festival 2026 tembangdang Roko Angami den tangartem agiba noksa angur.

Kohima, July 31, 2026 (TYO): RCEMPA, Jotsoma nung anogo pungunü North East National Service Scheme (NSS) Festival 2026 tembangogo.

Iba benjung ya "Viksit Bharat" omen nung ajemdaker amung aser north eastern state 8 nungi NSS volunteer 300 tema denogo.

Iba sentong nung Department of Youth Resources & Sports, Government of Nagaland nung OSD (Sports) Roko Angami-i tetushi süa jaoker ama shilem agia liasü.

"North East Region ya India asoshi senti oset ka lir, idaki bio-diversity aser sobaliba akaba dang masü saka human potential tulu lir" ta Roko Angami-i ashi.

Viksit Bharat ajanga India tasen aser tashitait akümtsü mangdang lir. Iba mangdang ajanga 2047 tashi nung India ya developed nation ka akümtsü nükjidong lir ta pai ashi.

Anungji NSS volunteers-i

nükjidong aser alizüng tejangjatem ayutsüla kechiyong Viksit Bharat tamendakdak ya lanurtem nem tashi agüja linük tarutsü yangertsü atema lir ta Roko-isa ashi.

"Asenok ajaki Northeast melenshitsü atema meranga inyakdi aser bendanga agüja tenzükd. Asenok shisatsü lemsatepa, taküm piyong atema tesentaktep yanglua aser lenisüba sempettem arangshia Northeast melenshidi. Asenok külemi Bharat tajungba kümdaktsüdi" ta paisa ayongzü.

"Nenok ya asüng India yangertemlir. Nenok shisatsü, tashi angaba, purapitetba aser akangkanganoktakba ajanga asen linük tarutsüti ametettsü" ta Roko-isa NSS volunteers ayongzü.

Iba benjungmung nung folk dance competition nung Mizoram-i mezüngbuba, Arunachal Pradesh-i tanabuba aser Assam-i tasembuba


takoktem angu.

Külen, Power Point Presentation nung Assam-i mezüngbuba, Tripura-i tanabuba aser Sikkim-i tasembuba takoktem angu.

Extempore speech competition nung Assam-i mezüngbuba, Arunachal Pradesh-i tanabuba aser Nagaland-i tasembuba takoktem ngua liasü.

Maneni, folk song competition nung Nagaland-i mezüngbuba, Meghalaya o Manipur na külemi tanabuba aser Assam-i tasembua jenjang takoktem angu.

North East National Service Scheme (NSS) Festival 2026 ya July 27, 2026 nü tenzü. Iba benjung ya State NSS Cell Nagaland-i ayongzü. Kohima Science College (Autonomous), Jotsoma-i Regional Directorate of NSS, Guwahati, Ministry of Youth Affairs & Sports, Govt of India den yaritepa host asü.



Mokokchung, Chiteni/July 31 (TYO) : Iba ki ya telongjem akangshiba ki, tarutsü aser pongmang tajung ayuba ki ka sütettsüsa kaketshirtem terenemshiba balaka ayutsüla ta tanü Ongpangkong Kaketshir Mungdang Kilem lapokba sentong nung OKM Kilem lapoktsür Minister,Rural Development & SIRD Wb.Metsübo Jamir-i jembidang ashi.

Metsübo-isa lanurtem züngzüker keleno ano tsüraburi mapa bushitsütsüla ta asüba tangatetbaji indoktsüla aser pei sasa pei taküm lireptsüka litettsüsa zünga renemtettsüla ta adenshia aliba kaketshirtem ayongzüka jembi.

Ongpangkong nungerji tsürabur nungi tatasa aser tarenzük liasü aser talisa tangar nem yimli agüja tangar tama südaktsü, ibaji ajanga Ongpangkong nunger temoatsü nung tanü tashi lia arudagi, aji asünung tanü putu lanu asensortemi tsürabur jakla tajungji benshia tangar nem yimli agütsütsü aser akhi ama temaotsü agitsü merangang ta Minister Metsübo Jamir-isa adenshia aliba Ongpangkong nungertem ayongzüka jembi.

Rev.Supongchiten Longsa Baptist Arogo Pastor ajanga Tsüngrem danmg nungi temoatsü jazüka sarasademer sentong tenzük, Aliba Kaketshir Telongjem ajanga OKM Naklu

ken aten, OKM Tir Sb.Tongpangmangyang Kichu, OKM Kilem Luden Tayonger Wb.Y.Akum Senpo Jamir, Ongpangkong Mungdang Tir W b . A l e m t o s h i Imsong,Ongpangkong Tetsür Mungdang Tir Wt.Asangtila, AO Kaketshir Mungdang Tir.Sb.Lanulemba Longchar, Arkong Ward Yimden Chairman, OKM Sanen Luden Tayonger Wb.Lanuakum Jamir parnokia shilem bal;ala agia jembiba den Mokokchung Baptist Arogo Pastor Rev.Imtinenpang-I tenünsang agüja sarasademer sentong tembangba den Kr.Temjennaro Imchen lenisüba nung sentong ketdangsüa ania liasü.

Dimapur, Chiteni/July 31 (TYO): Tanü Dimapur Ao Youth Organization (DAYO), Town Unit ajanga Aor tem Tsüngremmung benjong nüngtem nung Dimapur District Sports Council Stadium (DDSC) müreka amung. Kin balala benjong ya angatetdaksütsü nükjiding tsüngsangba aser chia-ajemba nung iba sentong ya ayongzüka indang kisüng masü saka akhi liasü. alemli mapang nungi asen DAYO, Town Unit-i iba yimtsüng, ki aser temeket sentong ya 'Our Town, Our müreka ayuba yimyatem Festival, Our Responsibility: bilemtetba mapang la lir ta Let's Clean Up!' omen nung nübурtem nem ajemdaker ayongzüka liasü.


Dimapur, Chiteni/July 31 (TYO): Nagaland Angh, Nand Kishore Yadav-i Planning & Transformation Department den senden ka Lok Bhavan, Kohima nung July 31, 2026 nü mena liasü.

Department sentong, inyakim, geospatial innovations, Sustainable Development Goals (SDGs) aser State indang long-term development vision asadangsü asoshi iba senden ya mena liasü.


Senden nung Principal Secretary & Development Commissioner, Y. Kikheto Sema, IAS ajanga Department inyakim osang tejangja lemsatepa liasü.

Iba mapang Angh den Department inyakim lemsatep, kong State indang development sentong tem, NITI Aayog, Ministry of Development of North Eastern Region (MDoNER), North Eastern Council (NEC) aser Central Ministries balala den amalitep akaba den terenlok mapa inyakba achayangba, planning priorities nung department balala dang lenmang sayuba indang densema lemsatepa liasü.

(Maneni tapak 8 nung...)



Mangyimer kibong aser tait tetsü ka liasü.
Naga Mothers' Association La anojungi asüba ya onok
züngsemtem den asükhu asoshi tembar tajung, taochi
lemsateper. Parnok nem tashi aketba lenir aser nisung tajung
aser temlung nung anisüngzüik ka samaba alitsü. FNR-i iba
agüjang aser asür tanüla arok mangyim nung akhum
tesunep nung anisüngzüikjang agütsür, ta sangdong ajangasa
ta sarasademer, ta pai ashi.



Dimapur, Chiteni/July 31 (TYO): Directorate of Social Welfare ajanga sangdong ka nung, academic session 2026 atema Persons with Disabilities (State Scheme) pur Class I nungi Class VIII tashi scholarship indang online application ya Nagaland indang Common Scholarship Portal nung August 1, 2026 nungi lapoktsü, ta matetdaksüogo. Eligibility criteria aser Scheme indang guidelines ya website <https://scholarship.nagaland.gov.in> nung angutsü. Application ya November 30, 2026 tashi agütsütsü akoktsü, ta sangdong ajanga ashi.

Dimapur, Chiteni/July 31 (TYO): Signal Angami Village nung African Swine Fever (ASF) junga azüoktetba aser cases tasen kata meputetba sülen iba tesem nung tenokdangba agüja aliba Deputy Commissioner, Dimapur, Dr. Tinojongshi Chang, NCS-i agientsüogo.

Deputy Commissioner ajanga sangdong ka agütsüba nung, May 20, 2026 nü tenokdangba agüja aliba Chief Veterinary Officer, Dimapur nungi osang aruba sülen tangsa agiener, ta ashi.

Ak aser ak shi belenba.

tepetsetba aser ayokba nokdanga aliba agiener aser akhi ama ak dak sendakba maparen inyaktüsü melar.

Ajisüaka ak metsür temi standard biosecurity mera maneni agitsü aser Department of Animal Husbandry and Veterinary Services ajanga teinyaktüsü shia aliba nung maneni anidaktüsü metetdaktüsü.

Kasa mapang Chief Veterinary Officer dang maneni meita repringtsü aser ASF cases alitsü südi ta temulung melemtetba osang tekeraba nung agütsütsü metetdaktüsü.



July 30, 2026 aonung Bhiwandi nung Kohinoor Building chirepba sülen kol amshia kümzükba maparen inyakdang tangokba noksa nung angur. Iba lendong nung nisung ka asü aser nisung 7-8 shi anenbanga lir.

Russia nunger Army temi India nunger 139 chiokogo: MEA

New Delhi, July 31 (Agencies): Hokolbarnü Ministry of External Affairs (MEA)-i, tang tashi nung Russia nunger army temi India nunger 139 bo chiokogo, aser tanüngba India nungertema chiochtsü atema ketdangsertemi meranga inyakdar, ta metetdachtsü.

MEA-isa India nungertem dang bendanger ashikülakertemi mapa agütsütsü ta mesüzüker, anungji kanga kümdanga alitsüla, ta metetdachtsü.

New Delhi nung osangbenertem den jembidang MEA otongdar, Randhir Jaiswal-i, "Russian army nung tanüngba India nungertemjia chiochtsü atema onoki Russia den tongtepratepa jembishinüa inyakdar. Onoki meranga inyakba ajanga tang tashi nung

India nunger 139 bo chiokogo. Tang Russian Army nung tanüngba India nunger 20 dak tali chiochtsü atema onoki maneni inyachtsü," ta metetdachtsü.

Social media ajanga sepai masüba mapatem agütsütsü mesüra student visa agütsütsü ta shia ashikülakertemi mesüzüker, iba sülen parnok indang passports ji meshizüka yur Ukraine nung raratsü atema kangshia sepai nung züngoker.

"Nisung tamajungertem aser agency temi ashikülaka asen nisungtem nem mapa tajung agütsütsü ta shia mesüzüker, anungji item ama nungji metsüchtsü atema onoki tekümdangtsü metetdachtsür," ta Jaiswal-isa metetdachtsü.

Hokolbarnü Supreme Court-ia Centre sorkar dang Russia-Ukraine rara nung

asüba, samaba mesüra yiruba India nungertem kibongtem den amaliteptsü atema Ministry of External Affairs nung Nodal Officer ka shimang, ta tetuyuba agütsüogo.

Chief Justice Surya Kant den Justice Joymalya Bagchi aser Justice V. Mohana nungeri akümba bench-isa MEA dang India nunger asürtem maitsü jangjatsü atema parnok kibongtem den DNA medemdangtsü atema inyaksangshiang, ta tuyuogo.

Supreme Court-isa MEA dang Ukraine nung rara mapang asür India nunger kibongtemi Russia nunger ket nungi senotsü teyari angutsü asoshi New Delhi nung aliba Russian Embassy nung ketdangsertem den inyaksangshiba nung yaritepang, ta tuyu.

CEC shimba luden nung kechiba CJI bo mezüngok?: Supreme Court

New Delhi, July 31 (Agencies): Chief Election Commissioner (CEC) aser Election Commissioners shimba inyakyim ya independent asütsüla, ta shia Supreme Court-i Centre sorkar dang, CEC aser ECs shimba luden nung kechiba Chief Justice of India (CJI) bo mezüngoker, ta asüngdang.

Supreme Court-isa, Parliament nung iba ozüng latetba mapang nung kechiba CEC shimba luden nung Chief Justice of India bo mezüngok, ta asüngdang.

Justice Dipankar Datta aser Justice Satish Chandra Sharma nati akümba bench-i, CBI Director aser Lokpal shimba luden nung CJI liasü, ajisüaka CEC aser ECs shimba luden nung kechiba CJI bo mezüngok; iba kuliji metetdachtsütsüla, kechiyong item menden ajak ya democracy atema kangasa tongtimbang, ta metetdachtsü.

2023 Act anema temepishiba ken otem angadangba mapang nung bench-i item oshidang agüja liasü.

2023 Act kübok CEC aser ECs

ya luden kati shimtsü atema lemtet; iba luden nung züngsemtemji Ato kilonser, opposition lenir aser Ato kilonseri shimba Union Cabinet minister ka lir.

2023 küm five-judge constitution bench kati CEC aser ECs ji Ato kilonser, Chief Justice of India aser opposition leniri akümba luden kati shimtsüla, ta obendang agüja liasü.

Iba sülen Parliament nung 2023 Act benoka agizük saka CEC shimba luden nungji CJI masü saka cabinet minister ang züngoka liasü.



July 31, 2026 nü Chennai nung senden ka nung Tamil Nadu Chief Minister Joseph Vijay, Mathrubhumi Printing and Publishing Company Limited Managing Director MV Shreyams Kumar, Digital Commerce Director Selvi MS Mayura, Operations Director Selvi MS Devika, Public Relations General Manager KR Pramoth, aser Division Manager Selvi Aishwarya Das nunger tangokba noksa nung angur.

Tanü E20 anema longkak aittsü; Poonawalla-i lumia longkak aittsü

New Delhi, Chiteni/July 31 (Agencies): Honibarnü AAP convenor Arvind Kejriwal-i E20 anema longkak aitba sentong tenzüksütsü aser activist Tehseen Poonawalla-i lumia longkak aittsü.

Centre sorkari E20 programme benokba dak sendakba nung Hokolbarnü Kejriwal-i, longkak aitba nungji kanga tongtimbang nisung katia shilem agitsü, ta metetdakja liasü.

July 5 nüa Poonawalla-i ethanol meyoktepba petrol anema longkak ait tenzüka liasü aser pai Gandhi Smriti tashi oa lumia longkak aittsü ta sangdonga lir.

Hokolbarnü Kejriwal-i X ajanga, "Asüng (August 1) 'National Town Hall Against E20' tenzüksü, aser nüburtem tebilemtsü onük angadangba den E20 atema telemtetba agitsü asoshi kü den linük nung kanga tongtimbang nisung ka alitsü. Nenok tebilemba-a lemsatepang," ta metetdachtsü.

Paisa iba sentong nung online ajanga adentsü atema WhatsApp number ka lemsatep.

Kejriwal-i, "Honibarnü iba sentong ya anüngdang 12:00 ako nung New Delhi Constitution Club nung tenzüksü. Nisung meyirjang aikati shilem agitsü onoki imlar. Delhi aser anasa aliba yimti nungi arurtemi anüngdang

11:30 ako tashi nungbo Constitution Club atongtsüla. Delhi adener meta talang nung alirtemi online ajanga iba sentong nung adentsü akok," ta metetdachtsü.

Iba sentong nung online ajanga adentsü jangrartemi WhatsApp message ka 8588833212 dangi yoktsü akok, iba sülen AAP-i parnok den link ka lemsateptsü.

July 27 nü mezüng osangbenertem den jembidang Kejriwal-i, E20 policy campaign ya tawa Cockroach Janta Party (CJP)-i longkak aitba den sendaktepa lir, ta metetdakja liasü.

"Linük nung lanurtem ajanga tekong temerang sorkari apudaktsüsa aküm aser Dharmendra Pradhan-i nüburtem matsüngdang menden nungi anentsüsa aküm. Tang ni Ato kilonser dang E20 petrol tebilemtsü onük ya-a bentettsü mepishir. Nüburtemi timtem tulu ajangshir. Parnok meyong garitem raksar aser 'mileage' ajema akümer. Iba tebilemtsü onük ya tuluba makümdang iba ya bentettsü atema ni Ato kilonser dang mepishir," ta pai metetdakja liasü.

E20 anema Tehseen Poonawalla-i aniba Team Bharat aser Delhi Taxi and Transport Owners aser Tour Operators Association-ia longkak aittsü, ta sangdongogo.

SANGDONG

No. EL/CON/NFR/HQ/OHE/EIG/DSR-MLVM/2026-27/PN/224
Anogo: 29-07-2026.

Lumding Division of Northeast Frontier Railway kübok under-noted lines **Dhansiri (Excl.) to Molvom (Incl.)** section nung renema aliba section nung Railway line aser premises amshir ajak dang ya sangdonger, tesem tasenba nung Power Supply installation süa alidak 25 KV, 50 HZ, AC single-phase overhead traction wires ji 'energized on' asütsü (electric current alitsü) mesüra iba section atema anogo latettsüba sülen aser overhead traction line aser traction installation asüba kasa anogo nungisa mapang ajak nung 'live' asütsü, anungji temelaba manguba nisung shingia overhead line jagi maotsü mesüra anasa mapa meinyaktsü metetdachtsür.

Section	Railway	Division	Kilometer		Date of Energization
Dhansiri (Excl.) to Molvom (Incl.)	North-East Frontier Railway	Lumding Division	From	To	08-09-2026
			KM 00/00	31/412	

Dy. Chief Electrical Engineer/HQ (CON), Maligaon

NORTHEAST FRONTIER RAILWAY

(Construction Organisation)

Serving Customers With A Smile

RAILWAY SANGDONG

No. EL/CON/NFR/HQ/OHE/EIG/DSR-MLVM/2026-27/CN/225
Anogo: 29-07-2026

TEKÜMDANGTSÜ SANGDONG

Lumding indang **Dhansiri (Excl.) nungi Molvom (Incl.)** nung 25 kV AC Traction amenokba.

LEVEL CROSSING GATES NUNG HEIGHT GAUGES DAK SENDAKBA NUNG GARI LENMANG AMSHIRTEM NEM TEKÜMDANGTSÜ OSANG METETDAKTSÜR

Public nem iba sangdong agütsür, Lumding Division of Northeast Frontier Railway kübok item section(s) nung shia aliba anogo(tem) nung 25 KV AC Traction amenokba dak sendakba nung level crossings ajak nung height gauges amenoka lir, aser itemji gari lenmang nungi anünglen metre 4.78 tema nung lir, aser ibaji khu abenba garitemi "LIVE" traction wire nung mekongshitsü aser lendong mataloktsü atema lir.

Section	Date
Dhansiri (Excl.) to Molvom (Incl.)	08-09-2026

Anungji public dang gari nung khu oshiketbaji iba 'height' metongi asütsü aser kechi südir süaka gari nung khu abenba jagi height gauges nung mekongshitsüla. Gari nung azüklen khu height tali asübaji item ya asütsü:-

1. Height gauge atema lendong aser gari lenmang den Railway line atema tetsükdachtsü.

2. Gari nung abenba khu mesüra osettem atema lendong aser/ gari atema-a lendong.

3. Mi lendong ataloktsü aser live conductor nung kongshiba mesüra anasa aoba ajanga taküm lendonga ajurutsü.

Dy. Chief Electrical Engineer/HQ (CON), Maligaon

NORTHEAST FRONTIER RAILWAY

(Construction Organisation)

Serving Customers With A Smile



TIR YIMYIM YIMOBILEM (EDITORIAL)

DIMAPUR

KÜPTOKNÜ

LUROI 01, 2026

Benjong ya chiyongtepba dangbo masü !

Benjong ta asüdang süoshi tajung agir shi den chiajema pelatepba anogo ta jet ta asenok mulungjangi arur, anungji kodang benjong ta südir, tanü asüng lanurtemi balaka mapa meinyak chiajema amongba mapang arur amai bilemer. Atangji, ajia shitak, kechiyong benjong ya mapa inyakba mapang masü saka pelatepba mapang lir. Ajisüaka, mapa inyakba agiang benjong amonger, anungji benjong ya mapa inyakba madak pelatepba anogo lir. Aji oda, asenok sobaliba benjong Moatsü aser Tsüngremmung ya shitakba nungbo alu mapa nung pelatepba benjong lir. Iba denji benjong amongtsüba dak sendakba sobaliba mapa aika lir. Item rongnungji, benjong amongtsü jelia yimkong nübodoka alu lenmang apir, yim tzübo aser lenmang merükteta yanglushir aser yim temeket ajak merükteta inyaker külenang benjong topur junga amonger. Ajisüaka, tanü asüng asenoki benjong amongba ya ita aika mapa kecha meinyak kazüa senzür külen shi den chiyonga pelateptsü anogo ka ajungbena arur amai bilemer. Ibayongji, benjong matongdanga benjong amongtsü bilema kecha inyaka matar aser benjong anogo tonga arudanga yimkong nübodoka benjong amongtsü asoshi renemtsü mebilemteter. Aji oda, tanü putu nung lanurtem dang masü saka taintemi dena benjong amongtsübo mamar saka mapa inyaksübo amadoker. Aji oda, asenok sobaliba benjong Moatsü aser Tsüngremmung dang masü saka Christmas benjong dena mapa meinyak nungbo memongtettsü, kechiyong benjong chiyongtsü aser benjong nung agitsü süoshi aser nungdak osettem ajak sen agidang alitsü, anungji Christmas marudang Christmas atema mapa inyaka atatsüla aser Christmas benjong yaa , joko, asenok benjong kumadoker asünungji, asenok sobaliba benjong amongdang yimkong nübodoka pei alidak temeket aser pei jajaba lenmangtem merükteta inyakba ama Christmas mapanga inyaksüla,. Iba amaji asenok mapa o benjong na ya apuani amai külemi alir aser külemi inyaker. Iba ama benjong dak aketba sobaliba tajung asentenshia Aotsür Aor rongnung benshitsü nükjidong nung, Dimapur nung Signal Angami yimtak alir Aotsür Aor ajak kangtepa yakanü Tsüngremmung nübodoka yim lenmang aser kilentzü merükteta amongbaji asen Ao kin sobaliba asentenshiba sentong ka asütsü. Ibaji ajizüaka, taruba küm nungibo Aotsür Aor alidak tesem ajak nung Moatsü aser Tsüngremmung amongtsü anogo ka ana lia, yim nübodoka kari yim lenmang aser kilentzü merüksü, kari alu lenmang merüksü, kari yimküm tzübo merüksü , kari yim leper merüksü aser tanü asüngbo nübortem asoshi lapokba aser yanglutsüba tongtimbang tesem aika lir, anungji itemji merükteta amongtsü ta benjong amongba dak aketba mapa inyakba sobaliba tajung shia arudaksüba ajanga asenok mapa inyakba sobaliba shia arutsü aser mapa ajanga asenok longjemdaksütsü. Atangji, tanü asüng lanurtem karibo sobaliba benjong amongtsüa mejangrar, iba jagi pei lima aser nübortem den külemi lia aotsüba sobaliba samadaksür. Asenoki metettsüba kaji, benjong ya shi den chiyonga amongba benjong ka dangbo masü aser mapa inyaker amongba benjong kisünga masü saka benjong ajanga pei kin, pei yimer, kinunger aser pei nisungtem külemi ajurutepdaksür, anungji tali tejangjaba metetteper aser memetetika asenok longjemmer alir. Iba jagi benjong amonger. Aji kodang asenoki angatetdir, asenoki benjong amongtsü atema mapa inyaknüsü.

OLEMSABANG

Tsüngremmung Otsü

(Iba article ya asür Wb. Kazükaba-i züluba “Sobaliba Penzü Kaket” tapu 5 - Aor Amungtsümunung nungi agiteta adoktsür)

(Yashi adok nungi...)

1. **Süngben Mung:** Iba anogo nung tetsürtemi benjong tepiyong atema süng, aonsotsü aser tachi tajemtsü ajak bendena ayur, sobusolemtsü aser Tsüngremmung benjong atema yi sa-a aliba renemshia, ki merükteta ayutsü. Teburtemia kima tongshi nung Longtitsüngba wo alenloka ayutsü, iba jagi parji anembonger ta sayu. Ano kiojen renemshia merükteta ayu. Arju nungertemia arju ki, atsü kanga junga akangshia renemtsü. Ano arju tir ki-a renemshia süng bentsütsü. Iba anogo nungji arju nungeri Tsüngremmung benjong atema mapang talangka nungi ajioka aliba shizüngzü alepi aotsü, iba anogo atema shiba dak amsü kaodir paji anbong asütsü aser pai anir oa shizüngzüji lepzüka bener miyotsü miyoya yimdaki atsür adoktsü. Iba anogo nungsa asangurtemi meima alila aiür nem mokobong tasen chir agütsütsü. Ano aiürtemia lai meima alisang asangur nem nokleptsüyi ang nen nem temesüng agi renema senpet agütsütep. Tsürabur mapangbo aiür shibai angji teimba agütsüdir ta toktepdang parnok amoia moi mapa inyaktep. Iba ama senpet agütsütepba ajanga anikilen jungkai adoka liasü.

2. **Zünga Yongya:** Anepdang yakta arju tir kidang ak tulu tepseta putu yimsüsür ajak jaoka yongyatsü. Mepu shia zünga, kidong aser kimang menden kwika tenteta ali parnok ajaki ak tululu tepseta tambusanger kidang yongyatsü (**Tsüngremmung mapangbo nashi metepseter kechiyong nashi agibo alu ara aponger ta takzüa aru**). Yati anogo atema shi teperi agiteta ayutsü aser tanüngba shi den temesen tilala dena kasasa lemer senshitsü. Chiyungkiyung temer ajak ali lenten nung atenshia yartsüngsang aser asaya tapu balala toktepa asayatsü. Ano aiür asangur telok balala shizüngzü atsütepa longsoteptsü. Nikongtsütsü yimdak takar aser putu yimsüsür ki maka-a shi aser yi jema süidaksür. Iba ama ki amakba mapang Tsüngremmung ken, süngo naro ken tenteper. Iba aonungji kibong shiai mishi asemprongla merükteta ak shi temo agi anütsü, iba dangji “mishi bang anü” ta ajar. Aji sür amchi ampo amala nung temesen tilala trokrok mapokchi den meyokteper mishi kolak nungji temlatsü (tenlatsü). Iba ama terunem keta külembaji Longtitsüngba tsüngremi agizüker aser temoatsü agütsür ta amanga aru.

3. **Yati Mung:** Iba anogo nung tetsür tebur arr atsütepa yartsüngsanga amunger. Teburtemji arr tazünglen amtsü aser tetsür talaklen amer arr ken tentepa atsüteptsü. Iba atsütepba nung tebur tetsür peladakja parnok nemsä kokdaksür. Tetsürtemi ajongdong ken, kilang ken tena yimdong piyong longsotepa jajatsü. Teburtema yartsüngsang den asaya tapu balala asayar külen nikongtsütsü nungi tenzüka putu yimsüsür aser takar ki amaksü.

Ano Tsüngremmung mapang yamai anembonga aru. Semki nung tsük masentsü, shizüng aser am matongtsü. Aji dang masü yartsüngsang dang asüm (drum) matem aser süngkonga metemshidaktsü. Itemji inyakra Lijabai yangluba lima raksar aser iba kümjibo alu anensar ta amanga ashibanga Tsüngremmung munga aru.

Ain Lenpi

Tsüngremmung tepiyong ainer marudaksüi alinung, pezünübuba anepdangji Longtitsüngba wo alenloka alibaji agizüka anembong atemtsü. Ano kishikinar den sentaktepa aliba lenmang ajak apitsü, iba dangji “Ain Lenpi” ta ajar. Iba lenpi ya mepu menden telok balala lemsatsü aser arju nunger nema lenmang balaka apitsü lemsatsütsü. Iba anogo nung tongtimbang lenmang ajak kanga junga apitsü. Iba kümji shirnok kibong tasen küma ali, parnok ajaki arju nunger nem pei-i akokba shi aontem temtsütsü. Ibaji pa arju nunger den pilaba tamaitsü lir. Panüji amitsür ajaki lon temtsütsü. Shi aser lon ajakji meyokteper lemsa-a chiyungtsü. Chiyung temer külen asangur ajak shiba nok techiraba ta toktepa aou jentangshitsü (chopping). Yamaji mapa ajak temer miyo tajung miyoya yimdaki adoktsü. Paonungji parnok ajak takar ki maka-a shi aser yi anünga aliba ajak chia jemtsütsü. Iba dangji “yisang alok” ta ajar. Yamaji Tsüngremmung benjong atemer.

Ojang tetezü kar:

1. **Ang nen nem:** Ang rongnung tilatiba.
2. **Anikilen:** Aiür asangur kibong küma alitsü jembitepba lenmang.
3. **Yongya:** Adianu, kimang senteper chiyungtepba.
4. **Ki amakba:** Ki ka nung senteper benjong ken, konang nungsang ken tena longsoba.
5. **Ashibangba:** Meinyaktsü, mamshitsü, azüoka alitsü merangba.
6. **Kishikinar:** Yim ka den kidanger
7. **Yisang alok:** Benjong temer yi anüng-alu jemtsüba.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Mizoram nung Arogotemi August 11 nü FCRA Bill anema longkak aittsü



Council of Churches in Mizoram (CCM) nung lenirtem noksa nung angur.

July 31, 2026: Council of Churches in Mizoram (CCM) kübok Arogotemi state yimtiba, Aizawl nung August 11 nü Foreign Contribution (Regulation) Amendment Bill, 2026 anema longkak aita jajatsü, ta Brihostibarnü CCM-i metetdaksü.

Aizawl Press Club nung osangbenertem den jembidang CCM Tir, Rev. R. Lalbiakliana-i, FCRA Amendment Bill anema longkak aita jajaba nung shilem agitsü asoshi CCM nung züngsem Arogotem dang masü saka state nung aliba Arogotem ajak aser melungtet telok ajak jaoker, ta metetdaksü.

CCM kübok denomination 9-lir, aser item denominations ji-Mizoram Presbyterian Church, Baptist Church of Mizoram, Evangelical Church of Mizoram, Lairam Isua Krista Baptist Church, Evangelical Free Church of India, Isua Krista Church, Independent Church of India, Wesleyan Methodist Church of Mizoram aser Zomi Baptist Church lir.

Arogoi Foreign Contribution (Regulation) Amendment Bill, 2026 nung Arrla ka anema nokdaker, kechiyong ibaji ajanga kodang melungtet telok ka indang registration thinentsüdir bendanger senotsü agi yangluba kiojen ajak sorkari agiadoktsü, aser bendanglen nungi anguba senotsü amshiba osang agütsütsü atema temzüng tesashiba yanglutsü, ta osang ka ajanga metetdaksü.

Ibaji ajanga Arogotemi sensakertem atema amenokba school tem, hospitals aser welfare centres jenjang mejungi akümtsü, ta Arogotemi bilemer.

July 26, 2026 nü state nung denomination tulutibatem rongnung tanabuba jenjang nung aliba Baptist Church of Mizoram (BCM)-ibo sarasadem sentong ka ayongzüka iba bill atema sarasademogo. Tamangertemi FCRA ajanga kongshiba Khristan rejutem atema sarasademtsüba dang masü saka India tesem balala nung reshikangshi ajangshiba Khristantem aser yimsü temeden atema-a sarasadema liasü.

Anogo ishika tejaklen Mizoram Chief Minister Lalduhoma-i par kidang Mizoram Kohhran Hruaitute Committee (MKHC) aser CCM nungi lenirtem ayongzüka senden ka mena liasü.

Iba senden nung adenertemi, tang amendment Bill ya magizükettetsü ta bangjem aser state sorkaria shidi ka ajanga Centre sorkar dang iba Bill nung temelenshi kar benoktsü atema temepishiba agütsütsü.

Iba bill dak sendakba nung Lalduhoma-i Union Home Minister Amit Shah-a ajurutsü tebilemba lir, iba sülen MKHC aser CCM-i temepishiba shidi ka sorkar nem agütsütsü.

Chief Minister-i, iba temepishiba ya magizükra ZPM nungi Lok Sabha MP, Richard Vanlalmangaiha-i Parliament nung iba Bill anema nokdaksü, ta metetdaksü.

Mizoram nung tongti opposition party, Mizoram Pradesh Congress Committee

(MPCC)-ibo state sorkar dang iba bill anema bangzüng ka renemtsü atema temeja assembly senden ka ayongzükan ta mepishiogo.

Congress general secretary Lalbiakzama-i, Chief Minister-i Arogo nung lenirtem-a jazüka telemtetba agibaji junger, ajisüaka iba khuret ya Arogo kija nem mebenloksütsüla, ta ashi.

MPCC-isa, July 21 nü parnoki iba bill anema Black Day sentong ayonga agiogo, kechiyong iba bill ya Khristan organizations temeden nokdangtsü atema lir, ta ashi.

MPCC-isa Chief Minister Lalduhoma dang pa leniba nung Arogo nung lenirtem, yimtenren party tem aser lokti tentet balala nungi lenirtem Delhi-i anir oa jembitsüla, ta ashi.

MPCC-isa state nungi MP tem danga Parliament nung iba Bill anema jembitsü aser iba Bill anema vote agütsütsü ayongzüko.

Ajak longjemer mission wadang inyaktsüla: Joshua Bogunjoko



Joshua Bogunjoko

July 31, 2026: July 30, 2026 nü Manila nung Arise Asia 2026 Congress nung lanurtem den jembidang Regions of Lausanne Movement nung Global Director, Joshua Bogunjoko-i, "Nenoki 'Africa' ta angashidang nü melungjangi kechi tama arur?" ta asüngdang.

Ajiada lokti nungi, Africa ta angashidang timtem, rara aser sensak tia imdangi arur, ta ashi.

Iba sülen Bogunjoko-i, "Nenoki Africa indang meteta alibaji tangari nenok dang ashiba dang lir, saka Africa nungeri

nenok dang ashibabo masü," ta ashi.

"Africa nung onok shin o ka lir 'Takok anguba otsüji shirurui ashiba masü saka shikariri ashiba otsü dang lir'" ta pai ashi.

"Ni Manila-i aruba ya otsü balaka ajanga nenok tenük lapoktsütsü atema aru," ta pai ashi.

Bogunjoko-i, "Tepela ajanga dang nisung kati mission wadang nung timtem khuret arema bentettsü. Africa nungertemi putu jenti timtem arema arudang aika angazükogo," ta ashi.

"Ni ajuruba missionary tem ajak temsüng nisungtem dang liasü. Nibo Africa nunger, anungji Africa nunger ka komaser missionary kümtet? Tsüngrem tenzüka ministry ya anüolen nungi arurtem atema dang ta ni bilema liasü. Onok dangi missionary tem arur saka onoki missionary tem meyoker," ta pai ashi.

"Ajisüaka kü tangatetbaji Tsüngremi magizük. Yisu memetertem ajurutsü aser

ANOGO ABEN TSÜNGREM DEN

Tesendaktep. Tazüng. 1:26- 46 Nemnemba nung tebilemstsü

*Aser lemsatepba agi süshia, amajok
asüküm agi süshia, kecha teinyak.*

- Filipi 2:3

Nemnemba! Asenoki ajaklen angashir - kibong nung, külem mapa inyakertem rongnung, asenok tembartem nungi aser arogo nunga. Ibai asenok mapang indoktsü mapa tajung amai ka lir. Saka tenyar Pauli nemnemshishia kecha mapa teinyak ta ajungshir. Pai amajok nung kecha meinyak (Fil. 2:14).

Maneni nemnembaji asenok asoshi majung ta Tsüngremi metet aser yimya agi ibaji mepelai atemer. Kodang Israel chirtem maneni nemnem, iba nungi adokbaji lendong liasü. Yihusua aser Kaleb dang tenangzüka limai aitsü mela.

Langkati asenok meinprongdang mesüra asenok bilemdang kechi inyaker? Pauli ashi, "Nenok tebang nungi O tamajung kata tadokdaksü. Saka tenüngdaksü amato kechi yangluloktsü asoshi tajung lir, tangashirtem nem taochi agütsütsü aji jembiang" (Ef. 4:29). Nemnemdang nungi asenoki Khristan süneptsütsü ta amanga, tangar dangi orr indangindanga ochishia, tasü itta aser temeim agi jembitsüla. Tanela teyari ajanga asenoki tenemnem Oji taochi O agi melentsü akok. Asenoki Yisu Khrista ain metaloka alir ta asenok tebangmechi aser taküm libaliro ajanga tangar dang sayutsü akok.

Kibuba Yisu, tanüsa kü nemnemshishi Otem taochi O agi melenjang. Amen.

menenpurtem atema Yisu Kangki nung asü, ta kuli asütsü atema Tsüngremi ni ama nisung ka jatet," ta paisa metetdaksü.

Bogunjoko-i, "Missionary tem atema onoki anüolen alirtem dak ranglok, rongsen, shisatsü aser tanela tsütsü terenlok atema onoki anüolen alirtem dak ranglok. Ajisüaka tangbo onoki anüolen Khristan yimsü dak masü Yisu dak rangloker," ta metetdaksü.

Paisa Africa nungeri aniba mission tenzüka metetdakja, 1948 küm Nigeria nung indigenous missionary society tenzüka mapang nungi tenzüka onoki missionary tem yoker, ta ashi.

1973 küm Calvary Ministries-i Nigeria nunger lanurtem dang Khrista osangtajung agi mangyimjemba tesemtemi oa osangtajung sangdongtsü ayongzüka liasü, aser tanübo Africa nunger mission lenirtem aikati alima tesem balala nung shilem agidar.

Paisa Africa nunger

Tsüngrem tenzükertem otsü aika shia lokti ayongzü.

Bogunjoko-i pa onük tetenzüklen lokti dang 'Africa' ta asü dang nü melungjangi kechi tama arur? ta asüngdangba lephsia asüngdang aser 'Africa-i nenoki dang sayubaji nenoki nguogo, anungji nenoki kechi inyaktsü?" ta asüngdang.

"Tsüngrem tenzüksü atema ajabaji süadoktsü atema tajaba ka lir. Nai asütsü memelungtetra nai tatem tashi meinyaktettsü," ta pai ashi.

"Africa nung lanurtem aikati Tsüngrem atema tzürar, Tsüngrem sülen anidakner aser alima tatembangtem tashi Pa sülen anidakner. Africa nungertemi nenok-a nüngdaker," ta pai ashi.

"Africa nunger kijai meinyaktettsü, aser Africa nunger kijai meinyaktsü. Asia nunger kijai meinyaktsü. Alima ajak nem Yisu metetdaksütsü atema asenok ajak longjemer inyaktsüla," ta pai ayongzü.

AO OSHI ANGAZÜKDAK:**TANÜ ANGAZÜKTSÜBA OJANG**

Tir Yimyim

Zükshi


(v) züka meintok, süng agi züka senshidaktsü (beaten to disperse the crowd)

* Police-temi longkak aiterem zükshia meintok.

Zükshi

(v) süng agi tanga nung azük dang tangshi (hit incidentally)

* Police-temi tangar dak azük dang, kü daka zükshi.

OLONG PAITEP # 7584**TIPIEN**

2. Tetendangba

- (8)

6. Metet / Ashi

- (7)

9. Asen / Saklok

- (4)

11. Acha-ayanger

- (7)

13. Bangsentep

- (4)

14. Meshizüka magi

- (7)

17. Tetezü aketba pungmang

- (8)

LANGTSÜNGLEN

1. As _ _ _ _ nshi

- (4)

3. Putep

- (5)

4. Tashi balaka

- (3)

5. Iba küm

- (5)

7. Alima nungi pila orr

- (4)

8. Komo temaitsü

- (5)

10. Tapok

- (4)

12. Tamajung aküm

- (5)

15. S _ _ _ _ ü

- (4)

16. S _ _ _ ga

- (3)

OLONG PAITEP # 7583 TELANGZÜBA**TIPIEN:**

1. Tesangra, 5. Mungo, 7. Kisen,

8. Salem, 12. Semki, 14. Kilem,

15. Kensü, 16. Sangpang.

LANGTSÜNGLEN:

1. Temesen, 2. Raksa, 3. Aon, 4. Aso,

6. Nile, 9. Alizüing, 10. Omen,

11. Lemta, 13. Ola, 14. Kin.

NAI-A YA METETTER MA

Mexico City ketdangsür temi "world's largest serving of sandwiches" atema Guinness World Record ka yangluogo.

July 29, 2026 nü Venustiano Carranza borough nung Mexico Festival: Annual Torta Fair (Torta Fest 2026) nung parnoki 100 metres (328 feet) talang aser 1.5 metric tonnes touzük giant torta ka yangluteta alima nung "largest serving of sandwiches" tulutiba otsü yangluogo.

Arunachal CM-i tanurtem kümzüksü mapa inyaktsü ayongzük

Itanagar, July 31, 2026

(Agencies): Tanurtem temeten kümzüka ayutsüba ya olemtepba agi masü saka özüngtem mapa küma inyakba nung amendaka lir ta Arunachal Pradesh Chief Minister Pema Khandu-i ashi.

CM Pema Khandu-i iba olen ya mezüngbuba North East State Commissions for Protection of Child Rights Convention 2026 amungdang ashi. Iba sentong nung Northeastern state tiprong sabang ka nung adenshiogo.

Iba sentong ya

"Strengthening Child Rights Protection in North East India through Regional Cooperation and Collaborative Action" omen nung ajemdaker amunger ta CM Khandu-i ashi.

Mungdang amungba aser onüktem jembiba kija agi tanur kümzüka mayutsü saka asenoki mapa inyakba ajanga dang iba ya asangsang akümtsü ta pai ashi.

"Mungdangtem ajanga tanurtem kümzüka mayor. O jembiba ajanga tanurtem kümzüka mayur. Mapa agi dang kümzüker" ta CM

Khandu-i metetdaksü.

"Iba mungdang ajanga mapa tajungtem inyakra, tanur shibelenba kümzüka, samaba tanurtem pei pei kibong den ajurutepdaktsüra, school nung tetsürtem jenjang tajungba kümduktsür aser mapang shitak nung lendong ajurutsü alibna tanurtem anepalua aser kümzüka takok aliba mungdang ka ama züngshitsü" ta paisa ashi.

Northeastern State Commissions for Protection of Child Rights tiprong adenshiba sabangji iba ya mezüing lir.

Assam BJP MP temi Amit Shah den ajurutep

Guwahati, July 31, 2026

(Agencies): Assam BJP MP teshimtet telok kati Parliament House nung Union Home Minister Amit Shah den ajurutepa tzümetsüng tensa indang osang lemsatepogo.

Iba senden nung BJP MP temi tzümetsüng agi kongshia

aliba aluyimer nem VB-G RAM G Act, 2025 kübok anogo 100 jelia taa agütsütsü mepishi. Tzümetsüng agi timtem ajurua aliba mapang senotsü teyari angutsü atema iba ya inyakang ta parnoki ashi.

Union Home Minister Shah-i parnok dang akokba tashi Assam nem tzümetsüng tensa

den yariteptsü aser kibongtem yaritsü nangzükogo ta BJP MP Dilip Saikia-i metetdaksü.

Union Minister of State for External Affairs Pabitra Margherita den MP Dilip Saikia, MP Kamakhya Prasad Tasa aser Assam nungi tanga BJP MP temi Amit Shah den ajurutep.

Meghalaya kaketshir kati Commonwealth Youth Parliament nung aden

Shillong, July 31, 2026

(Agencies): Meghalaya nungi Nandini Ishvi O. Sangma-i Sydney, Australia nung India tenüng nungi 13th Commonwealth Youth Parliament (CYP) nung shilem agiogo.

Nandini ya Don Bosco College, Tura nung Political Science student ka lir aser lai Meghalaya indang maitsü balaka lemsatepba den equality, democracy aser artificial intelligence timi amshitsü indang jembiba.

Commonwealth nungi teshimtet nübotem den külemi Nandini-i onük ana jembiba liasü.

Meghalaya nung tetsüri senmang amangba, living root bridges, alima tobur ajungba aser sobaliba maitsü indang lai jembiba.

Meghalaya ya alima nung 'wettest places' rongnung ka aser "Rock Capital of India" lir ta Nandini-isa ashi.

Nandini-isa alima nung science aser technology kanga tejakleni oaka tetsürtem temeten atema timtemba



indang lemsatep.

Alima tesem kar nung tetsürtem nem shisaliok bushitsü noktangba aser rara nung tetsürtem dak tim masüba inyakba inyakyim ajanga tetsürtem timtemer anungji temeten agütsütsüla ta laisa metetdaksü.

Artificial Intelligence and Democratic Integrity Bill 2026 atema o atsütepba nung shilem agidang Nandini-i education, healthcare aser governance nung AI dak tashi kanga lir saka

AI ya democratic institutions tashi aittsü aser meimchiri len anitsüla ta ashi.

Nandini-i iba sentong nung shilem agitsüba ya Meghalaya Assembly Speaker Thomas A. Sangma-i tenüng agütsü aser Chief Minister Conrad K. Sangma-ia pusema nungita liasü.

Lai Commonwealth Youth Parliament nung India tenüng nung shilem agiba ajanga Meghalaya aser Northeast nung lanurtem kanga ajungmesor.

PTI-i alimatesem ajunga nung longkak aittsü sentong yanglur

Islamabad, Chiteni/July 31 (Agencies): Taoba Pakistan ato kilonser Imran Khan-i pa bhukumer tem dang yimtenren tsütsü timtem aremtsü asoshi renema alitsü ayongzük aser nüjiso aser tasüba tsüngta shimtsü mapang tongogo ta sangdong, ta teyi Aleema Khan-i tepuokdak yua alisang Pakistan Tehreek-e-Insaf (PTI) founder den tang tesüsa ajuruba indang bilemteta jembidang ashi.

Khan-i party workers aser bhukumer tem dang tanen makai pua merenshiba ajanga temulung ajema malitsü aser August 5 nü longkak aittsü sentong aliba atema nübu anidentsü ayongzük, koba pa tepuokdak yur küm asem ajungba alitsü, ta Aleema-i ashi.

PTI bhukumer temi Pakistan linük tesem ajungalen aser ano British nunger London, Manchester, Birmingham, Leicester, Bradford, Newcastle aser Glasgow yimtitem nung longkak aittsü sangdonga lir.

Nüburtemi anema menokdak tashi PTI lenirtem aser mapa inyakertem dak tenük yoker inyaksangshiba

tatem masütsü, ta Aleema-i tekumdangtsü ashi.

Party züngsem tem apur, merenshir aser yimten inyaksangshi nung tenokdangba agütsür, anungji PTI ozüng yanglur karibo nüburtem longkak aittsü asoshi yimtongi arütsü asü masüar mejangjar, ta lai ashi.

National Assembly nung PTI züngsem karibo tang ama tetsübo aitdakja inyaksangshiba ajanga August 5 nü longkak aittsü aliba nung nüburtemi shilem magütsü ama tsüboa bilemer, ta Aleema-i ashi.

Lai voters tem dang pei elected representatives tem den osang agiteptsü aser nüburtemi iba longkak aitba nung shilem agitettsüsa renemtsü ayongzük.

Pakistan mitkar indang itdangiterba agencies temi opposition aser nüburtem tsüngta telemsa tali adokdaksütsü meranger, ta Aleema-ia tai tonglochtsü.

Nüburtem kati ka anema nokdaksü aser lungjemer anema nokdakba tashi mait kumdaksütsü mechi yimten yimsüsür, party workers aser bhukumer tsüngta mangatetep

adokdaksütsü meranger, ta lai ashi.

Nüburtem saksalema alitsüla aser telok kati ka anema apusodaksütsüsa renemba nung malangtsüla, ta lai ashi.

Aleema-isa Pakistan indang media tem talenba kübok lir aser yimtenren tensa mesüra PTI lenir aser mapa inyakertem amshiba indang sadema osang mebenteter ta aitsü.

Television news channes tem senotsü agi timtemer, kechiaser terepranger temi parnok dak metaloka aliba anenogo, kechiaser tenokdangba lir ta parnoki bilemer.

Pakistan sorkari Khan tepuokdak yua aliba aser pa anema ken o balala benoka aliba atema tali tsükshitsü mechi PTI-i longkak aittsü sentong ya yanglu.

Imran Khan ya 2022 küm April ita Pakistan ato kilonser menden nungi atsüngdokba sülena opposition telok nung lenir ka ama arur. Pa anema ken o benokba aser par telok pua merenshiba ya yimtenren tsütsü tenük yoker inyakba lir ta PTI-i aitsür, koba Pakistan ketdangsüri magizüker.

Morocconungi migrants 60,000 shi Ceuta-i aitogo

Madrid, Chiteni/July 31 (Agencies): Tesüiba ghonda 24 tsüngta Morocco nungi North Africa nung Spain indang Ceuta tesemi migrants 60,000 shi alema aitogo, ta Ceuta tiri ashir.

Arütsü alema aitba mapang nisung 34 shi süogo, ta Juan Jesús Vivas-i osangbener senden ka nung ashi.

Ceuta mesüra ano Spain nger meyong Melilla atongtsü merangba migrants tem tzüyim nung soita alirtem itangjisa Morocco-i meyipa meyoktsüla, ta Spain indang Supreme Court-i tan ita obendang agütsüba sülen tang iba ya ataloker.

Spain Ato Kilonser Pedro Sánchez-i iba tensa ya "amakba" lir ta ashi aser illegal migrants ajunga akok tashi tekeraba nung Morocco-i meyipa yoktsü atema sorkari mapa inyaktar ta ashi. Europe nung lenir aikati tebilemstü lemsatepogo aser kari arütsü akzüokba akangshitsü nangzük.

UK Ato Kilonser Andy Burnham aser France tir nati Spain yaritsü mulunga aliba lemsatepogo.

Ceuta ya Morocco north tsütsü tzükum nung lir, koba Strait of Gibraltar ajanga mainland Spain den pilar lir, kong migrants temi Europe atongtsü meranga iba tesem nung tenük yoker.

Tawa arütsü alemtsü merangba nung tali akumba sülen yangji aliba ketdangsür temi Madrid dang teyari meshia liasü, saka Brehostibarnü arütsü aziokba raksaba sülen rongrong adoka liasü.

Brehostibarnü tangokba video aser noksa tem nung nisung meyirijang aika tziwaa yimti-i aitba nguogo aser

Hokulbarnüa maneni arutar ta ashir.

Jesús Vivas-i iba tensa ya tamakoktsü ta ashi aser tawa aruba ya yimti nütsüng yongsük shilem 70 shi lir ta ashir, koba nisung 83,600 shi asütsü.

Spain-i Ceuta aser adianu Melilla yimti nung security tashi itshitsü tema armed forces tem yokogo. Melilla nunga Brehostibar aonung nisung 300 nungi 400 shi arütsü alema aitba osang lir.

Hokulbarnü Ceuta semdangba mapang ato kilonseri arütsü alema aitba aitsü aser ibai Spain linük tashi dak amakba lir ta ashi.

Sorkar Morocco den arütsü tashi itshitsü tema lenmang reprangtsü, ta Sánchez-i ashi.

Ato kilonser-i iba tensa asoshi mapa tamajung inyakba networks tem tenüng sena Supreme Court-i tawa obendang agütsüba meshidak angateta morok mi ama prokshidaksü ta ashi.

Ozüng alema aitertem meyipa yoktsü sentong nung Morocco ketdangsür temi amalitep akar, ta pai ashi.

Morocco nungi arütsü alema aiter ya aika lanur, timba tebur lir aser tetsür, tanur aser kinü tanurtema kar lir ta ashir.

Tesüiba ghonda 24 tsüngta arütsü alema temelaba makai aiter rongnung nisung 7,000 shi minor lir ta ketdangsür temi asadangteta lir.

Ceuta-i aittsü meranga migrants temi kilometers ishika tzi awar. Saka tanbo parnoki kanga mela arütsü atsu anasai arutet ama ajiteter. Tetenzük nung karbo long ajanga tzükumleni jaja ao aser külen tzükum atongtsü asoshi tziwaa liasü.

SANGDONGER

Iba zülü adok ajanga Mr. Talimoa aser Mr. Akumdong, tebu tenüng Mr.Lanutemsu (Dimapur), tenati nangzükba ama yimden kübok tashi anga-a melitet nung, tena ajanga kensüösü/sentsülutem kar arura tsürabur aser kinungertem kecha khuret masutsü ta sangdonger.

~ *Kinungertem*

Hamas nok-nü yutsütsü tezüngzüktep ka yangluogo: Trump

Washington, Chiteni/July 31 (Agencies): US Tir Donald Trump-i, Brehostibarnü Cairo nung mediators aser Hamas lenirtem tsüngta jembishinü akaba ajanga Gaza nung 'phased disarmament agreement' ka yangluogo, ta ashir saka Hamas ketdangsür kati iba ya draft ka dang lir ta ashi aser US ketdangsür temi ashiba agi, Palestine nung telungpur teloki nok-nü bendanga agütsütsüba nung Israel-i temulung melemteter.

"Tanü Board of Peace-i Gaza nung Hamas aser tanga telungpur telok tem nok-nü yutsütsü atema otsüsütsü tezüngzüktep ka yangluogo. Ibai teti asoshi yimjung aser security atema tongtipang mera ka alitsü," ta Trump-i social media post ka nung ashi.

Board of Peace den küleми inyaktsüba Palestine sorkar tasenbai yimsü asütsüba aliba Gaza atema iba tezüngzüktep ya kanga tongtipang lir, ta Trump-i ashi. "Kasa mapang Israel dak langa aliba secuyity alitsü, aser Gaza ya kiralongrar amenoker amakba tesem ka ama mamshitsü," ta pai ashi.

Trump-i sangdongba nung telangzüba agütsütsü Washington nung Israeli embassy dang asüngdang, saka osang mali.

Hamas osang ka ajanga ashiba agi, "draft agreement" nungya nok-nü tulutem Palestinian administration tazüokba kübok rizünga ayutsü aser nok-nü ya Israel nem magütsütsü shia lir.

"Strip nungi Israel mainshi tashi onoki nok-nü yutsütsü atema mera kecha magütsü," ta Hamas negotiating team nung züngsem Ghazi Hamad-i osangbener dang ashi.

Brehostibarnü US ketdangsür kati osangbener den jembidang, Hamas-i nok-nü yutsütsüba nung Israel-i tamang makar, ta ashi. "Parnoki iba tezüngzüktep nung aliba ama inyaksü ta onoki tamang akar. Parnoki aji meinyakra, temetet Tir Trump kanga mepelatsü," ta US ketdangsüri ashi.

Iba tezüngzüktep asangsang akumtsü asoshi mapang kopika nüngdaksü ta asüba tasüngdangba lir. Board of Peace ketdangsür kati anogo 200 nungi 320 tashi nüngdaksü ta ashi, saka US ketdangsür kati iba mapang mamshitsü ashi.

Israel ketdangsür kati pa tenüng memetetdaksüi ashiba agi, Trump-i iba osang mesangdong dang Israel-i proposal ya magizük.

"Kechi inakyim südir süaka, Gaza nungi nok-nü agentsü aser Strip okshia demilitarization asütsü densema Israel-i Hamas meyong nok-nü ajunga yutsütsü akhangba ya precondition lir," ta ketdangsüri Brehostibarnü shia liasü.

"Tang jembiba 15-point document nungya item takangba nung temulung süa telangzüba agüja mali aser Israel-i memulungba metetdaksüogo."

Hokulbarnep Israel-i Gaza nung amakdang Palestine nunger trok asü, aser yangji tanur ana dena lir, ta medics

temi ashir.

Hamas lenirtemi Egypt, Qatar aser Turkey nungi mediators den Trump indang Gaza plan phase tanabuba atema jembishinüa liasü, koba Trump indang Board of Peace ajanga benok.

Israel-i Gaza nung raraba tembangtsü atema sentong ketdangsütsü aser rara agi raksatsür aliba territory tanaben yangluba achayangtsü asoshi Trump-i iba board ya tentet. Pai iba board nung züngsemtem shim, kong pa mendenpuba lir aser board ajanga Gaza khen asoshi yimsüsüba achayangtsü ta taoba küm shia liasü.

Iba jembishinü nung adenba ketdangsür temi Gaza yanglushitsü sentong indang osang tejangja kanga ajema lemsatepa lir.

(*Maneni tapak 8 nung...*)

GOVERNMENT OF NAGALAND DIRECTORATE OF EMPLOYMENT, SKILL DEVELOPMENT & ENTREPRENEURSHIP NAGALAND : KOHIMA NOTIFICATION

Dated Kohima the July 2026

NO.DET-2/14/2001 (PT-II). List of candidates selected for undergoing training at various Govt. ITIs for the academic session 2026-27/28 is hereby declared by the Selection Board. Candidates may check the result from the Office of the respective Govt. Industrial Training Institutes / Department website (**desd.nagaland.gov.in**).

N.B.:

- Admission will commence from 03/08/2026 till 14/08/2026. No further admission will be entertained after the expiry of last date.
- Class/Training will commence from 01/09/2026 (tentative)
- Original Documents to be produced at the time of admission.

Sd/-
SAVIO VISA
Director



NSACS-i ayongba District Run 2026 asemtepba sentong Mokokchung nunga July 31 nü takok ngua agir külen takoker den ketdangsürtem külemi tangokba noksa nung angur. Tetsürtebur ajak senteper parnok 46-i iba asemtepba nung shilem agi. Tebur telemsa nung mezüngbuba - Takasanen Longkumer (24:48), tanabubaji - Mukom C (25:50) aser tasembuba nung Sangthing P (26:16) liasü, aser tetsürtem rongnung mezüngbuba - Jemie P (31:44), tanabubaji - Chonglem P (40:39) aser tasembuba nung - Nukshimongla (41:29) liasü. Tanep iba asemtepba ya Mokokchung Youth & Sports Officer, Dheeraj-i flag-off sütsü. Takoker nem sen 3000/-, 2000/- & 1000/- senpettsü. District level nung takoker-i state level nung pei district tenüng nung shilem agitsü. Mokokchung, 31st July, 2026

Duleep Trophy atema Nagaland nungi cricket asayar pezü shimogo

Dimapur, Chiteni/July 31 (TYO): Duleep Trophy 2026-27 nung North East Zone nungi asayatsü asoshi Nagaland Cricket Association indang Senior Men nungi asayar Jonathan Rongsen, Imliwati Lemtur aser Vino G. Zhimomi shimogo.

Iba den North East Zone squad atema standby player ama Hem Bahadur Chetri shimogo, ta Nagaland Cricket Association ajanga sangdong ka nung ashi.

Duleep Trophy ya Bengaluru nung aliba BCCI Centre of

Excellence nung August 23 nungi September 10, 2026 tashi asayatsü lir.

Ano Nagaland Senior Men's Team indang Physiotherapist, Mowalong Kichu ya North East Zone squad asoshi Team Physiotherapist ama shimogo.

Iba asayamung atema terenemshiba aka ama Nagaland Cricket Association ajanga North East Zone pre-tournament preparatory camp ka August 8-19, 2026 anogotem ayongzüksü.

Asayar aser yariteper staff shimba ya Nagaland nung

cricket asoshi tejak tentetba mapang ka lir aser parnoki bendanga agütsür maneni junga asayaba aser stat nung cricket ainba nung shilem agiba temaitsü alitsü, ta NCA ajanga ashi.

Nagaland Cricket Association-i Jonathan Rongsen, Imliwati Lemtur, Vino G. Zhimomi, Hem Bahadur Chetri aser Mowalong Kichu nung shilem agitsü atema shimba asoshi tenügsang agütsür, ta sangdong ajangasa ashi.

STATE OSANG :

Tapak 2 nungi...

Angh-i Planning & Transformation Department den...

State Planning Board, State Level Project Implementation and Management Committee, State Project Review Monitoring and Coordination Committee, aser State Land Acquisition Authority indang shilema iba senden nung lemsatep.

Principal Secretary & Development Commissioner, Y. Kikheto Sema, IAS-i Angh dang financial year 2026-27 atema Annual Plan Outlay ya sen 1,350 crore mela lir, aser yangji developmental departments, State share, Local Area Development Programme (LADP), land acquisition, budget initiatives, aser Frontier Nagaland Territorial Authority (FNTA) atema dena lir ta ashi.

Department-i MDoNER, NEC, NESIDS aser PM-DevINE ajanga Centrally sponsored initiatives tem mapa kuma inyakba, Aspirational District aser Aspirational Block programmes terenlok indanga lemsatepa liasü.

Iba mapang Kiphire ya Nagaland indang Aspirational District lir aser Akuhaito, Khongsa aser Thonoknyu ya Aspirational Blocks ama jangjatetogo aser Thonoknyu Block ya NITI Aayog nungi

performance-based incentives agütsür ta ashi.

Senden nung Sustainable Development Goals (SDGs) kottetsü atema Nagaland-i inyakba indanga repringtepa liasü. Iba mapang State indang SDG Vision 2030 aser district-wise performance indicators indanga Angh nem metetdaksü aser North East Region SDG Index nung Mokokchung, Kohima aser Dimapur ya tajungtiba district tem nung dena lir ta ashi.

Iba senden nung State Support Mission kübok NITI Aayog teyari nung amenokba Nagaland Institute of Transformation (NIOT) nung tali rangloka liasü. Iba Institute yagi Viksit Nagaland @2047 Vision Document renemba nung tongti shilem agir, koba tang asadanga mapang lir aser High-Level Steering Committee aser State Cabinet ajanga agizükba sülen renemtsü imlar.

Loktiliba aser yimden yimsüsüba yimya melenshia aoba den nüburtemi terenlok aginüba mechi Government of India nungi teyari agütsüba timba akumtsü nüngdaker, ta Principal Secretary & Development Commissioner-i ashi.

Nagaland atema centre nungi senotsü teyari agütsüba ya

tanga North Eastern States tem den sako asütsüla, aji asünung dang terenlok mapa shidak inyaka otettsü, ta ashi.

Department-isa Nagaland GIS & Remote Sensing Centre ajanga geospatial technology, drone applications, artificial intelligence aser remote sensing tsütsü takok anguba indang lemsatepa liasü.

Iba den Angh den village resource mapping, urban mapping, watershed studies, disaster management, landslide monitoring, PM GatiShakti support, traffic management, medical drone delivery, drone-based agriculture, aser indigenous drone development amala inyakyim indanga lemsatep.

Department-i technology amshia sorkar maparen inyakba aser sector balala nung sentong yangluba nung tashi itshtsü merangba atema Angh-i pelaba lemsatepa liasü.

Angh-i Department dang nüburtem tiyong südaktsür ochishia aser tajangzük angutsüsa sentong yanglutsü ajungshia liasü.

Iba senden nung Planning & Transformation Department aser Nagaland GIS & Remote Sensing Centre nungi ketdangsürtem dena liasü.

October 3 nü Kolkata nung India aser Brazil international friendly asayatsü

Kolkata, Chiteni/July 31 (Agencies): India nung tebur football asayar temi October 3 nü Kolkata nung aliba Salt Lake Stadium nung Brazil den FIFA international friendly ka asayatsü. Iba osang ya All India Football Federation (AIFF) ajanga Brehostibarnü X post ka nung jangjatsüogo.

"Puti otsü kakat tem asoshi anogo ka. Salt Lake Stadium nung October 3 nü India vs Brazil FIFA International Friendly," ta AIFF ajanga par official X account nung lemsatep.

1992 küm FIFA World Ranking system tenzüka sülen iba asaya ya India asoshi tematiba jenjang nung alir den asayar asütsü, kechiaser tang Brazil ya jenjang pongu buba nung lir.

September 25 aser 29 anogotem Queensland nung Australia den friendlies ana asayaba sülen captain Marquinhos den Casemiro aser Matheus Cunha nung aliba Brazil team ya India-i arutsü imlar.

Brazilian Football Confederation (CBF)-ia item fixtures ya sangdongogo aser Brazilian outlet GE Globo-ia Brazil indang October FIFA window nung asaya tasembuba ya Kolkata nung India den alitsü ta ashi.

FIFA World Cup nung

Brazil ya Round of 16 nungi tzükba sülen item friendlies ya asayatsü lir.

AIFF Deputy Secretary General M. Satyanarayan-iba asaya ya Indian football asoshi otsüsütsü mapang ka asütsü ta ashi.

"Brazil ama team ka asen linük nung pelashishia agizüktsü ya khenyongi balaka lir aser iba ya Indian football puti otsü nung otsüsütsü chapter ka asütsü," ta pai ashi.

National Teams Director Subrata Paul-ia iba fixture yagi India nung asayartema alima nung football asayaba linük tajungtiba rongnung ka ta züngshiba linük den pei sempet asadangtsü maongka angutsü, ta ashi.

"Item ama tajangshiba ajanga asayartem aintsü ayongzüker, mangdang tuluba ayutsü ajungmesor aser parnok careers tepiyong mamashitsüsa ajangshir," ta pai ashi.

Kolkata nungya September 24, 1977 nunga Pelé'er New York Cosmos-i Mohun Bagan den exhibition match ka Eden Gardens nung asaya, koba 2-2 nung tembang.

Kolkata nungya 2008 küm German champions Bayern Munich aser Mohun Bagan asaya liasü, koba Oliver Kahn asoshi tatembang asaya liasü.

BENDANGLI OSANG : Tapak 7 nungi...

Hamas nok-nü yutsütsü tezüngzüktep...

Sentong nungya humanitarian aid timba kumdahtsütsü, civilian Palestinian administration ajanga yimsü asütsü, Gaza nungi Israel sepaitem ainshitsü aser security atema international force yoktsü shia lir.

Iba agreement indang nükjidong dang nungi Gaza nung asangsang tensa khenyongi balaka lir.

Hamas taginüba ya Israel-i Gaza nung amakba tembangtsü aser sepaitem anir aotsü ya lir.

Nok-nü tila atema kechi asütsüar mejangja mesüra Hamas tajemdak dak tasenba ya Israel mesüra Board of Peace ajanga agüzüktsü asü masüar memetet.

Sentong nungya longpok tem, nok-nü yua aliba aser nok-nü yangluba tesemtem raksaa indoktsü dena lir, ta jembishinü nung shilem agir kati ashi aser iba inyakyim tatem tashinung Gaza nung telungpur indang ki o jen kecha malitsü ta ashi.

Israel mitkari Gaza nung 'military occupation maneni ulushir aser Ato Kilonser Benjamin Netanyahu-i ashiba agi, Israel-i Gaza shilem 70 par küboki aitdaksütsü tebilemba lir.

International Stabilization Force yoktsü aliba nungya sepa kwi yoktsü mesüra Israel sepaitem iba tesem nungi ainshitsü asü masüar ano mejangjai lir.

BILEMDANGANG

"Tamakok ajurudang temulung maka mekümi aremzükbaji alima nung tasü taitiba mapa lir"